

## 七 康有爲

一  
康有爲，字廣廈，號長素，原名祖詒，戊戌亡命後，改字更生，復辟失敗後，又改字更姓，晚號天游化人，廣東南海人，世稱南海先生。

南海初生，家中相傳，見一僧人，担書入其室，呱呱墜地時，室內火光輝煌，故其詩集中有：『大火赤流屋，子夜吾始生』之句，此中國稗史輒紀載，凡非常人誕生，必有異狀，然耶？否也？姑引以發一噱耳。

惟其兩歲時，即能識字，五歲時，已能誦詩數百首。且受書過目不忘，因有神童之稱。年十一喪父，從祖讀，祖講程朱之學，開口聖人，閉口聖人，彼聞之熟，亦輒曰聖人，聖人，里黨乃戲稱之曰『康聖人』，彼亦受之不疑。

同邑人朱次琦，學者稱九江先生，其學湛深經術，而以致用爲主，南海從之遊，年甫十八，四年間，於周禮、儀儀、爾雅、說文、水經注、漢書、楚詞、文選、杜詩，以及六朝之文，靡不爛熟。惟是南海之學，雖從九江入，而不從九江出。蓋九江制行謹篤，南海則旁鶩西漢，力採微言大義，權奇自炫，好論天下事，自負可爲帝王師。

初著『新學僞經考』，僞經者，謂周禮、逸禮、左傳、及詩之毛傳。新學者，謂新莽之學，時清代儒者，誦法許、鄭，自號漢學，南海以爲此乃新代之學，非漢代之學，故正其名曰『新學』。常熟翁同龢，見其書，嘆曰：『康長素真說經第一野狐也。』

### 三

自新學僞經考問世後，遂開學者疑古之門，而『大同書』之創作，尤爲驚世駭俗，蓋彼受西方自由、平等、博愛之影響，參以公羊家言，墨家兼愛，佛家去苦求

樂之說，衷以己意，一爐而冶之，誠發前人所未發者。依據梁任公歸納大同書內容之要點：『無國家，全世界置總政府，及分若干區政府，皆由民選。無家族，男女同棲不得逾一年，屆時須易人。普設胎教院、育嬰院、蒙養院、養病院、養老院，及各級學校。設公共宿舍、公共食堂，有等差，各以其勞作所入，自由享用，警情爲最嚴之刑罰。學藝有發明者，工作有特殊勞績者，得殊獎。死則火葬，火葬場旁設肥料工廠。』觀其要點，仍有才學勞績之差別，有自由之享用，最高之刑，不過警情。以視共產主義實行後，屠殺於蘇俄，流血於中夏，窒息人類，殘賊自由，爲如何耶？雖然，南海縣此一鵠爲人類進化之極則，其理想與今世所謂『世界主義』『社會主義』，多相符合，而其獨標新說，一無剿襲，陳義之高，且疑過之。

#### 四

南海喜談『改制』，蓋對『政治改革』，『社會改革』而言。又喜談『通三統』，三統者，謂夏、商、周，三代不同，當隨時因革。又喜談『張三世』，三世者

，謂『據亂世』、『升平世』、『太平世』，愈改而愈進步也。故彼以爲學者，不應求章句、訓詁、名物、制度之末節，應求其義理，及古人創法立制之精神。遂以絕倫之資，豪狂之氣，倔強奧衍之筆，發其偉論，汪洋浩蕩，一瀉千里，使清學正統派之立腳點，爲之動搖，以形成今日文學運動之中心，南海其首倡者也。

光緒初年遊北平，應順天鄉試不售，過上海，從事西學之鑽研，再入京，上皇帝書，主張變成法，通下情，慎左右，惟布衣論政，危言聳聽，公卿大臣，咸不敢代轉奏，嗣捷秋闈，又入京，時值中日議和，割遼東、台灣，乃聯合千餘名舉人，上書皇帝，此即轟動天下之『公車上書』，與今之學生請願團，大致相同。是年會試成進士，授工部主事，從此躍入政治舞台，而爲維新運動之領導人物。

## 五

自是上書論政，動輒萬言，力陳變法維新之不可緩，大臣皆惡其伉直，不予代奏。然所有奏章，已傳鈔於世，四海嗟悚，嘆其忠義，給事中高燮曾抗疏荐聞，德

宗欲破格召見，爲恭親王所阻。終至七上書而達帝聽，德宗遽爲動容，且嘗引書中求爲長安布衣而不可得，及不忍見煤山前事等語，以告軍機大臣曰：『非忠肝義胆不顧生死之人，安敢以此直言陳於朕前。』嗣後召見，則前席慷慨，極言變法自強，用人行政諸大端，帝嘉其言，遂決維新之議，下國是之詔。

南海既得德宗信任，則又竭力聯繫朝野進步之官吏、士夫，以爲聲援，其中得力爲最而影響及於中外者，當首維新會梁任公，次如張蔭桓、徐致靖、李端棻、譚嗣同、楊深秀、楊銳、陳寶箴、黃遵憲等，亦均有力焉。于是創立學會，開辦報館，以倡導變法維新讜言偉論，天下靡然從風，百日之間，新政蒸蒸日上。然而，書生從政，終嫌術疏，且求治太殷，轉增障礙。西后與諸王大臣，忌南海既甚，遂陰謀陷害，無所不用其極。更加彼所引用非人，變心携貳，以致晴天迅雷，政變突起。南海先得密旨潛逃，任公亦由日人保護亡命扶桑，譚嗣同等六臣斬首國門，德宗被囚于瀛台，西后又復聽政。故滿清之亡，不亡於辛亥，而已植基於戊戌，苟不然者，則中國六十年來歷史，如何紀載，非吾所敢知也。